

Американск школ болгънд полицейск тавхяр

НЬЮ-ЙОРК, ноябрин 29. (ТАСС). Бичкдүд үүл татлгън США-д аамшгтә кевәр өсдж бәәнә. Шүүдж хәләлгънә федеральн бюрон джил болгън барлдг туслнъ докладт 1956 джилд балгъсна райодар ик үүл татснднъ бәрдж суулгъсн улсин 46 процент шахунь 18-әс доргшан наста багъчуд бәәдж.

Нью-Йорк балгъсна полицейск комиссарин сонъсхсн тоогъар болхла, эн балгъснд 1956 джилд, үүл гаргъсндан 16 күртл наста 8.714 күүкд, 16-с 20-тә күртл 13 минъгъ гар күн

болдж гарч.

Сүл цагт, Нью-Йоркин муниципальн школсар бичкдүд үүл татлгън олн болад ирв. энүнәс иштә 1280 күүкд бәрдж түүрмд орулгдв.

Барин сонъсхврар болхла, Нью-Йоркин муниципальн школсар үүл татсн бичкдүдин тускар шишлнъ заргъин шүүлгънә комисс кәдлджәдгдж. Эн комисс, диг-дара хархин төлә болн үүл татачнрин өмнәс ноолдхин төлә Нью-Йоркск школ болгънд полицейск тавхмн ги-сн селвг орулдж өгч.